



ル 7
3334
6



凡 7
3334
6

渤海番域錄

補遺一

滅貂

盛京奉天府東南南接辰韓北與高句驪沃沮

接今奉錦二府東窮大海西接樂浪今海城縣等處

古朝鮮之地漢光武封其渠帥為縣侯皆歲時朝賀

無大君長自漢已來其官有侯邑君三老統至下戶

其耆舊自謂與高句麗同種言語法俗大抵相類魏

齊王正始六年滅侯等舉邑降四時詣樂浪帶方二

郡朝謁有軍政賦調如華人焉其人性謹愿少嗜慾

補遺

卷之二

補遺

昭和三十一年
九月三十日

有廉恥俗重山川山川各有部分不得輒相干涉知
種麻養蠶作綿布又頗曉氣候星宿先知年歲豐約
又祭虎以爲神

蝦夷

在日本國東海島中小國也其人鬚長四尺尤
善弓矢挿箭于首令人載瓠而立數十步外射之無
不中者唐顯慶四年隨倭國入貢

扶桑

在日本國東北文身國東大瀛國之東南齊廢
帝永和初其國有沙門慧深來至荊州說云扶桑在
大漢東二萬餘里亦在中國之東作板屋無城郭有

文字以扶桑爲紙無甲兵不攻戰名國王爲乙祁貴
人第一者爲大對盧第二爲小對盧第三爲納咄沙
國王行有鼓角導從其衣隨年改易甲乙年青丙丁
年赤戊己年黃庚辛年白壬癸年黑嗣王立三年不
視國事宋武帝時罽賓國有比丘五人遊行至其國
始通佛法象教焉又云其東千餘里有女國其人容
貌端正色甚潔白身體有布髮長委地至二三月競
入水則孕娠六七月產子女人胸前無乳頂後生毛
根白毛中有汁乳子百日能行三四年則成人矣見

人驚避偏畏丈夫梁武帝時有晉安人渡海爲風所飄至一島登山岸有人居女則如中國人而言語不可曉男則人身狗頭其聲如犬吠其食有小豆其衣如布築土爲牆其形圓其戶如竇

文身

在日本國東北七千餘里梁時聞焉體有文如獸其額上有三文文大直者貴文小曲者賤土俗歡樂物豐而賤行客不齋糧有屋宇無城郭國王所居飾以金銀珍麗繞屋爲塹廣一丈實以水銀雨則流于水銀之上帝用珍寶

大漢

在日本國東北文身國之東五千餘里無兵戈不攻戰風俗並與文身同而言語異亦梁時聞焉

狼牙修

在廣東廣州府南海中二萬四千里其界東西二十日行南北二十日行土氣物產與扶南畧同其俗男女皆袒而被髮以古貝布爲干縵王及貴臣乃加雲霞布覆累塼爲城有重門樓閣王出乘象兵衛甚設梁時通貢其使云立國以來四百餘年

黃文

在廣東廉州府南海中去合浦日南三萬里漢時通焉俗畧與珠崖相類貢銀硃玉璧琉璃奇石異

補遺

卷十一

三

大珠圓及二寸而至圓者置之平地終日不停

盤盤

在安南之南海大洲中北與廣南隔小海自交

州船行四十日至其國梁時通焉其王曰揚栗翬音翬

翬音翬

栗翬父曰揚德武連亦不知其來百姓多緣水而居國無城皆豎木爲柵王坐金龍床每坐諸大人皆兩手交抱肩而跪又其國多有婆羅門自天竺來就王乞財物王甚重之有僧尼皆食肉而不飲酒亦有道士不食酒肉讀阿修羅王經其國不甚重之俗皆呼僧爲比邱呼道士爲貪隋大業中朝貢

哥羅

在安南之南海大洲中盤盤國之東南亦曰哥

羅富沙羅云其王姓矢黎婆羅名米失鉢羅其理城疊石爲之城有樓闕門有禁衛宮室覆之以草國有二十四州而無縣兵器有弓箭刀稍皮甲征伐乘象其俗非有官者不得上髮裹頭唐天寶初朝貢

漚利

在廣南東南海行可萬里海中洲上自交趾浮

海南過赤土丹丹國乃至其國去廣州二月日行國界東西五十日南北二十日行有百三十六聚其地延袤數千里土氣暑熱常如中國之夏穀一歲再熟

補遺

卷二

四

草木常榮王出以象駕輿其導從吹螺擊鼓國人善投輪刀其大如鏡中有竅外鋒如鋸遠以投人無不中其餘兵器與中國同俗類真臘物產同于林邑王姓僑陳如自古未通中夏梁天監中來貢其王姓頻伽唐貞觀四年亦朝貢

殊奈 在廣南之南去交趾海行三月餘日崑崙人也習俗與婆羅門同絕遠古未通中國唐貞觀二年朝貢使至

婆登 在廣南之南海行二月到東與訶陵接西與迷

黎連接北鄰大海風俗與訶陵同稻每月一熟有文字書于貝多葉死者口實以金又以金釧貫于四肢然後加以婆律膏及檀沉龍腦等香薪焚之唐貞觀中朝貢

羅刹 在廣南東南海婆利之東海其人朱髮黑身獸牙鷹爪時與林邑人作市輒以夜晝日則自掩其面其國出火珠狀如水晶日正午以珠承影取艾依之即火出唐貞觀中林邑國獻來云于羅刹得之或云出師子國

頓遜 在扶南之南海崎上可三千餘里地方千里其

國東界通交州西界接天竺安息王並羈屬扶南一

曰典遜徼外諸國賈人多至其國市焉所以然者頓

遜迴入海中千餘里漲海無涯岸船舶未曾得逕過

也其市東西交會日有萬餘人珍物寶貨無物不有

梁時聞焉

毗騫 在扶南之南頓遜之外大海洲中去扶南八千

里傳其王身長丈二頭長三尺自古來不死莫知其

年其王神聖知將來事南方號曰長頭王國俗有室

屋衣服噉粳米其人言語小異扶南國內不受估客

有往者亦殺而噉之是以商旅不敢至王常樓居不

血食不事鬼神其子孫生死如常人唯王不死又傳

扶南東界即大漲海海中有洲洲上有諸薄國國東

有五馬洲復東行漲海千餘里有燃火洲其上有樹

生火中洲左近人剝取其皮紡績作布若小有垢污

投火中復更精潔即火浣布梁時聞焉

千陀利 在扶南之南海洲上俗與林邑扶南略同出

班布古貝檳榔特精好梁時入貢後無聞焉

社薄 在扶南之東漲海中直渡海數十日至其國隋時開焉人色白皙皆有衣服土有稻田出雞舌香可含雞舌爲木氣辛而性厲禽獸不能至故未識其樹者花熟日零隨水而出才得之按社薄即海中大洲之名其上有十餘國城皆稱王不能盡記

無論 在扶南之西二千餘里隋時開焉其國大道左右夾種枇杷樹及諸花果行其下恒有重陰十里一亭亭有井食麥飯飲葡萄酒味甚甘美

邊斗 在扶南之南一云班斗都昆國一云都君拘利

國一作九雅比嵩國並隋時開焉扶南度金鄰大灣南行三千里有此四國其制作與金鄰國同其人多白色惟都昆出綫香霍香及硫黃

敦樊洲 在扶南之南拘利之南海灣中其人色黑而齒白眼正赤男女並無衣服一名薄郊洲抱樸子云敦樊洲在南海中薰綠水膠所出如楓脂所以不可多得者止患獮狽獸啖人斯獸大者重十斤狀如水獺其頭身他處了無毛惟從鼻上以竟脊至尾上有毛廣一寸許青色長二三分許其無毛處則如韋囊

人張捕得之斬刺不能傷積薪烈火縛以投火中薪盡而此獸不焦雖以大棒打之而皮仍不傷惟俟骨都碎乃死耳

火山

在扶南之東大漲海中諸薄國之東五千里隋時開焉國中山皆有火雖雨不熄火中有白鼠扶南土俗傳云火洲在五馬洲之東可千餘里春月雨霖雨已則火燃洲上林木得雨則皮黑得火則皮白諸左右洲人以春月採木皮績以爲布即火浣布也或作燈炷用不盡也又有加營國在諸薄國西有山周

三百里從四月火生正月火滅則草葉落如中國寒時人以三月至此山取皮縷爲布同火山所成也

訶陵

在真臘之南婆登之西王之所居堅木爲城造大屋重閣以象牙爲床席之具食以手搗之有山穴每涌而出瑤國人採以調食唐貞觀中遣使獻金花等物云其國別有毒人與常人同止宿即令人身上生瘡若與之交合即致死其涎液沾着木草即枯其人死不臭不爛元和申貢僧祇僮及五色鸚鵡

投和

在南海大洲中真臘之南自廣州西南行百日

補遺

至其國王姓投和羅名脯那乞造所理城覆屋以瓦
並爲閣而居壁皆繖畫之城內皆王宮室城外居民
可萬餘家王衛士可百人其國市六所貿易皆用銀
錢小如榆莢有佛道有學校與中夏不同訊之耆老
云王無有姓名齊杖摩其屋以草覆之王所坐塔圓
似佛塔金飾門皆東開坐亦東向唐貞觀中朝貢

烏篤

在中天竺南一名烏菴又名烏伏那即北天竺
也地方五千餘里百姓殷實人性懦弱頗詭計尤工
禁術篤佛法文字禮義畧同天竺而天竺不及之自

古不通中國唐貞觀中其王達摩因陀訶斯遣使貢
龍腦香

褥陀洹

在火羅西北其王姓察失利名婆耶其國海
行五月至廣州土無蠶桑以白疊朝霞布爲衣穀有
稻麥皆樓居謂之千欄自古不通中國唐貞觀中獻
鸚鵡毛羽皓潔頭上有紅毛數十莖與翅齊

多蔑

在南海邊國界周廻可一月行南阻大海西俱
遊國北波刺國東真陀洹國戶口極多置三十州不
役屬他國有州郭宮殿樓櫺並用瓦木以十二月爲

補遺

卷三

九

歲首五穀蔬果與中國不殊唐貞觀中始通焉

多摩長 在南海島中東與婆鳳西與多隆南與半支

跋北與訶陵等國接其界東西可一月行南北可二十
十五日行其王之先祖龍子也名骨利常得大鳥卵
剖之得一女子容色殊妙即以爲妻其王尸羅劬備
伊說即其後也唐顯慶中貢獻其俗無名姓王居以
柵爲城板屋坐獅子座仍東向衣物與林邑同勝兵
二萬餘無馬有弓刀甲稍婚姻無同姓之別從其國
經薛盧都思訶盧君那盧林邑等國方達交趾

哥羅舍分 在南海之南接墮和羅國勝兵二萬餘人

其王名蒲越伽摩唐顯慶五年其使發本國至龍朔
二年五月到京朝貢

甘棠 在大海之南崑崙人也唐貞觀十年與宋俱婆
國朝貢使同日至唐史云太宗謂羣臣曰南方西域
自遠而至其故何也房元齡對曰中國又安帝德遐
被帝曰誠如公言向使中國不安何緣而至朕何德
以堪之觀此番使懷懼所望卿等匡朕不逮也

金利毘逝 在長安西南四萬餘里行經丹丹國摩訶

新國多隆國者理國婆樓國多郎婆黃國摩羅逝國
真臘林邑國乃至廣州東去致物國二千里西去赤
土國千五百里南去波利國三千里北去柳衢國三
千里其國有城邑庭舍衣朝霞白疊每食先泥上鋪
席而後坐國王名本多揚牙前有隊仗甲蓋甲用貝
多樹皮其風俗物產與真臘同

驃國

在雲南永昌府西南徼外唐史云貞元八年南
詔使來朝驃國王始遣其弟悉利移來朝華言謂之
驃自謂突羅朱閣婆人謂之徒里拙古未嘗通中國

魏晉間有著西南異方志及南中八郡志者云永昌
古哀牢國也傳聞永昌西南三千里有驃國君臣父
子長幼有序然無見史傳者今聞南詔異牟尋歸附
心慕乃因南詔重譯遣子朝貢東北距南詔苴咩城
六千八百里凡去上都萬四千里在永昌故郡南二
千里其國境東西三千里南北三千五百里往來通
聘者迦羅婆提等二十國役屬石道林王等九城食
境土者羅君潛等二百九十八部落東鄰真臘西接
東天竺南盡海溟北通南詔些樂城界其王姓因沒

補遺

卷十一

十一

長名摩羅惹其國相名摩訶斯那其羅城構以磚甃
周一百六十里壕岸以構塼相傳本是舍利佛城城
內居民數十萬家佛寺百餘區其俗好生惡殺其土
宜菽粟稻梁無麻麥男女七歲則落髮止寺舍依禁
桑門至二十不悟佛理乃復長髮爲居人不衣繒帛
云出於蠶爲傷生也又獻其國樂凡十二曲與樂工
三十人來朝獻樂曲皆演釋氏經論之詞意二十一
年四月封彌臣國嗣王道勿禮爲彌臣國王

禰國

在雲南永昌府西南徼外漢和帝時其國王雍

由調遣譯奉國珍寶安帝初復朝賀獻樂及幻人能
變化吐火自支解易牛馬頭又善跳丸數乃至十自
言我海西人海西即大秦也禰國西南通大秦

昆彌

在雲南曲靖府西南以西爨之西洱河爲界即

葉榆河一名昆明其俗與突厥畧同相傳云與匈奴
本兄弟國也漢武帝得其地入益州部其後復絕諸
葛亮定南中亦所不至唐武德四年雋州治中吉宏
偉使南寧因至其國論之十二月朝貢其使多由黔
中南路而至貞觀中梁建方討蠻降其部落七十二

補遺

卷二十一

十二

户十萬九千遣使往西河降其首領十人並數十百部落按即松外諸蠻

附國

在四川西北二千餘里接汶山郡今茂州即漢之西南夷有嘉良夷即其東部所居種姓自相率領不相統一隋大業三年其王遣其弟子宜林率嘉良夷六十人朝貢又南有薄緣夷西有女國其東北連山綿亘數千里接黨項及諸羌界其人並無姓氏其地南北八百里東西千五百里無城柵壘石爲巢而居巢高至十餘丈有二萬餘家其土高氣候涼多風

少雨

且末

在甘肅肅州西嘉峪關外雪山之南布古爾西龜茲國之東南去長安六千八百二十里西北至安西都護治所二千二百五十里北接尉犁丁零東接白題西接波斯精絕南至小宛可三日行漢時通焉王理且末城其王安末深盤梁武帝時獻貢梁書謂之末國其國西北有流沙數百里夏月有熱風爲行旅之患風之末至橐駝先知卽鳴而聚立埋口鼻于沙中人以爲候卽將瓊擁蔽鼻口其風迅駛斯須過

補遺

盡若不防者必至危斃矣

扞彌

在甘肅肅州西嘉峪關外雪山之南布古爾西
龜茲國之南去長安九千三百里東北至安西都護
理所三千五百五十三里南與渠勒東北與龜茲西
北與姑墨接西通于闐四百里漢時通焉王理扞彌
城戶二千三百四後漢謂其國曰拘彌居寧彌城亦
曰寧彌城國順帝時為于闐王放前所破殺其王興
陽嘉初燉煌太守徐由遣疎勒發兵擊之破于闐遂
立拘彌王靈帝熹平中又為于闐所破殺掠殆盡眾

纏干口

迷密 在西域今甘肅肅州西嘉峪關外三千七百里
葱嶺之西後魏書西域傳迷密國都迷密城在者至
拔西去代一萬二千六百里正平元年遣使獻一峯

黑橐駝

姑默 在甘肅肅州西嘉峪關外布古爾西龜茲國之
西六百七十里漢時通焉王理南城去長安八千一
百五十里戶三千五百東至都護理所一千二十一
里南至于闐馬行十五日北界接烏孫其地出銅鐵

補遺

雌黃東通龜茲王莽時其王承殺溫宿王併其國至後魏時後屬龜茲相去六百七十里

溫宿

在甘肅肅州西嘉峪關外龜茲國西姑默之西二百餘里王理溫宿城按顏師古漢書注云今雍州醴泉縣北有山名溫宿嶺者本因漢時得溫宿國人令居此地日牧因以為名去長安八千三百餘里戶二千二百東至都護理所一千三百餘里西至尉頭三百里北至烏孫赤谷六百餘里土地物類所有與鄯善諸國同至後魏時亦後屬龜茲

烏秬

在甘肅安西州燉煌縣西南一百五十里陽關

西五千九百里漢時通焉王理烏秬城去長安一萬里戶五百東至都護理所四千九百里北與子合蒲犁西與難兜接人皆山居田石間有白草累石為室人接手飲出少步焉細步也有驢無牛西有懸度懸度者石山也谿谷不通以繩索相引而度為名也其國後魏又相通謂之權於摩國

難兜

在甘肅肅州西北三千七百里葱嶺之西罽賓國東北三百三十里漢時通焉去長安一萬一百里

南貴

卷二十一

十五

戶五千東北至都護理所二千八百里西至無雷三百四十里南與婼羌北與休楯西與大月氏接壤有五穀與諸國同屬屬賓

莎車

在甘肅安西州西南四千里又西至疎勒五百六十里西南至蒲黎七百四十里去長安九千九百五十里漢時通焉理莎車城戶二千三百漢宣帝時莎車王殺漢使者約諸國背漢會馮奉世使大宛以便宜發諸國兵擊破之傳其首詣長安諸國因是悉平威振西域至王莽亂匈奴畧有西域惟莎車不肯

附屬光武初西河大將軍竇融承制立其王康為漢莎車建功懷王西城大郡尉五十五國皆屬康死弟賢代立詭闕貢獻于是西域始通葱嶺以東諸國皆屬賢號賢為單于賢後攻殺龜茲王遂兼其國立其子則羅為龜茲王其烏壘大宛於冥姑默子合等國悉被賢改易其王莎車相且適等患賢驕暴密謀反城降於冥王廣德攻莎車賢乃輕騎出廣德遂執賢殺之匈奴聞廣德滅莎車遣兵將賢質子不居徵立為王廣德又攻殺之立其弟齊黎為莎車王至章帝

時班超發諸國兵擊破之由是遂降漢

曹國

在甘肅安西州西北十八里玉門關外大宛西北康居之西北百里又西北至何國一百五十里去瓜州六千六百里隋初時通焉都那密水南數里舊是康居之地國無王康國王令子烏建領之勝兵千餘人國中有越于瓜城內有得悉神自西以東諸國人並敬事之好淫祠罄費產而無悔其神有金人焉金破羅濶丈有五尺高下相稱漢天子所賜神每月以駝十頭馬十疋羊百口祭之常有丁人食之不盡

唐武德四年朝貢使至云本國以臣爲健兒聞秦王神武願隸麾下高祖大悅後朝貢不絕天寶三年詔封其王哥邏僕爲懷德王四年哥邏僕上表自陳曾祖以來向天可汗忠赤受徵發望乞恩茲將奴國王司於唐國小小所須難遣奴身一心爲國征討至十一年其王設阿忽與國副王野解及九國王上表請同心擊黑衣大食國元宗慰勞之又有中曹國在西曹國之東唐國之北其所治迦底真城在平川其人長大工於戰鬥又有西曹國理那密水南瑟底痕城

補遺

卷七

十七

米國

在甘肅安西州西北十八里玉門關外大宛西

北康居之東南百里東至蘓對沙那國五百里本漢康居地都那密水西無王城王姓昭武康國王之支庶

何國

在甘肅安西州西北十八里玉門關外康居西

北曹國之東一百五十里西去少安國三百里東去瓜州六千七百五十里隋時通焉亦都那密水南數里亦舊康居地也王亦康國族類國城樓北壁畫華夏天子西壁則畫波斯拂菻諸國王東壁則畫突厥

婆羅門諸國王勝兵千人風俗與康國同記年不識

卯酉辰巳惟數雞兔龍蛇唐貞觀中朝貢

史國

在甘肅安西州西北十八里玉門關外康居之

南二百三十里南去吐火羅五百里西去那色波國二百里東北去米國二百里東去瓜州六千里都獨莫水南十里亦舊康居地王亦康國庶支勝兵千餘人其俗衣服與康國同隋大業中始通中國後漸強盛乃創建乞史城爲數千萬郭一邑二萬家開元十五年貢胡旋女子及豹天寶中詔改其國爲來威國

補遺

卷三

十八

其那色波國今亦謂之小史國役屬之

奄蔡

在甘肅安西州燉煌縣西南一百五十里陽關西八千餘里與康國接西去大秦國東南二千里控弦十餘萬與康居同俗而去康居土屬溫臨大澤無涯岸畜牧逐水草蓋近北海至後漢改名阿蘭那國魏時曰粟特國一名溫那沙後漢書云初匈奴殺其王而有其國至文成帝初朝貢其王忽倪已三世矣周武帝時亦遣使貢

滑國

在甘肅肅州西嘉峪關外西北三千七百里葱

嶺北二百里于闐之西車師之別種也漢順帝時八滑從班勇擊北虜有功漢以八滑爲後部親漢侯自晉魏不通中國至梁天監中始貢獻元魏之居桑乾也滑猶爲小國屬蠕蠕後稍強大征其旁國波斯盤盤罽賓焉耆龜茲疎勒姑墨于闐勾盤等國其王坐金床隨太歲轉無文字以木爲契無官職事天神火神每日則出戶祀神而後食親死其子截一耳葬訖即言言語待河南人譯然後通至後魏時謂嚧噠國

嚧噠

在甘肅肅州西嘉峪關外于闐之西東去長安

補遺

卷五

十九

一萬一千里去瓜州六千五百里其原出于塞北白
金山而南在于闐之西至後魏文帝時已八九十年
西域康居于闐疎勒安息及諸小國三十餘所皆役
屬之號爲大國按劉璠梁典滑國姓嚙噠後以姓爲
國號訛傳又謂之怛怛又西域志其本原或云車師
之種或云高車之種或云大月氏之種又韋節西番
記親問其國人並自稱挹闐又按漢書陳湯征郅支
康居傳王挹闐抄其後重此或康居之種類然傳自
遠國夷人語說舛年代綿邈莫知根實不可得而辨

也

車離

在甘肅肅州西嘉峪關外雪山之南去關二千
餘里天竺國之東南三千餘里大國也後漢時通焉
居沙奇城一名禮惟特一名沛隸王其土氣物類同
天竺別城數十皆稱王其人怯弱地東西南北方數
千里人俱八尺乘象馳往來鄰國有寇乘象以戰

高附

在甘肅安西州西北十八里玉門關外大宛國
西大月氏之西南後漢時通焉亦大國也其俗似天
竺而弱善賈販內富于財所屬無常天竺屬賓安息

補遺

卷七

二十

三國強即得之弱則失之

小人國

在甘肅甘州府西西域極西之大秦國南軀
纒三尺其耕稼之時懼鶴所食大秦每衛助之小人
竭其珍以酌報按大秦國即拂菻

烏弋山離

在甘肅肅州西嘉峪關外西北三千七百
里葱嶺南罽賓之西去長安萬二千二百里不屬都
護戶口至多亦大國也漢時通焉東北至都護理所
六十日行北與樸桃東與罽賓西與大秦條支接行
可百餘日乃至條支按魏書其國一名排特

安息

在甘肅肅州西嘉峪關外三千七百里葱嶺之
西並大宛之西可數千里不屬都護北與康居東與
烏弋山離西與條支接焉去長安一萬一千六百里
王理蕃堯城其屬大小數百城池方數十里最大國
也地臨媯水旁行爲書契漢武帝始遣使至安息其
王令騎迎于東界木鹿城號爲小安息去王都又數
千里行北過數十城人戶相屬按西域記自安息西
行三千四百里至阿蠻國從阿蠻西行三千六百里
至罽賓國從罽賓南行渡河又西至於羅國九百六

補遺

卷二十一

二十一

十里安息國西界極矣自此南乘海乃通大秦其土
多海西珍奇異物焉至後周王理蔚搜城來朝貢隋
書王姓昭武與康國同族都在那密水南又按小安
息國一名渴汗國治渴汗城在安息東界西域傳安
息東界木鹿城爲小安息又西域道里記云康居國
王之先兄弟十人分居王國其一即渴汗國也城可
十餘里有戶二萬

大夏 在甘肅安西州西北十八里玉門關外大宛西
南二千餘里媯水南其俗土著有城屋與大宛同俗

去漢萬二千里居漢西南本無大君長城邑往往置
小君長其兵弱畏戰善賈市及大月氏西徙攻敗之
皆臣畜共稟漢使者同受節度按大夏人多可萬餘
有市販賈諸物東南接身毒國皆屬大月氏

白蘭 在四川茂州雜谷廳西南東北接吐谷渾西北
至毗利模徒南界郡鄂西羌之別種名風俗物產與
宕昌同後周武帝時朝獻使至唐顯慶中爲吐蕃所
滅

大羊同 在甘肅蘭州府河州吐谷渾西南吐蕃之西

補遺

境相接東西千餘里勝兵八九萬地多風雪冰厚丈餘物產同吐蕃無文字但刻木結繩而已其王姓羌葛有四大臣分掌國事唐貞觀中來貢後爲吐蕃所滅分其部衆散置隙地

悉立

在甘肅蘭州府河州吐谷渾西南吐蕃之西南

戶五萬有城邑村落依溪澗羈事吐蕃唐時入貢

章求拔

在甘肅蘭州府河州西南悉立國之西南或

云章揭拔本西羌種也居四山之內近代移出山西接通東天竺遂改衣服變西羌之俗因而附焉其地

延袤八百里勝兵二千餘人居無城郭好爲寇掠商旅患之唐貞觀中朝貢

泥婆羅

在甘肅蘭州府河州西南吐蕃之西其俗剪

髮與眉齊食用手多商賈山田作俗重博戲頗解推測盈虛兼通算術事五天神其地有阿耨婆爛池周迴二十餘步以物投之即生烟焰懸釜而炊須臾而熟唐永徽中王尸利那連陀羅遣使朝貢

軒渠

在西域其國多九色鳥青口綠頸紫翼紅膺紺

頂丹足碧身紺背元尾亦名九尾鳥亦名錦鳳其青

補遺

多紅少者謂之繡鸞從弱水西來或云是西王母之禽也其國多幣貨同三童國

三童 在西域軒渠國西南千里人皆眼有三睛珠或有四舌皆為一種聲亦能俱語常貨多用蕉越犀象作金幣率效國王之面亦效王后之面若丈夫交易則用國王之面王死則更鑄

薄海番域錄

補遺二

山左武定郡

波斯

在西域東去長安一萬五千三百里

百里東南去穆國四十餘里西去拂菻四千餘里後魏書西域傳云波斯在怛密西部南有流沙之故地也大月氏之別種其先有波斯匿王其子孫以王父字為氏因為國號焉王姓波斯戶十餘萬人號王曰醫蠻妃曰陟率王之諸子曰殺里後魏通焉突厥不能服其國亦羈縻領之西魏及隋皆來

補遺

貢咸亨中其國王卑路斯自來朝貢高宗厚加恩異使裴行儉將兵送還國以其路遠至安西碎葉而還卑路斯獨返不得入其國漸為大食所侵客於吐蕃大羅二十餘年有部落數千人後漸離散至景龍二年來朝無何病卒其國遂滅而部曲存俗事天地日月水火諸神尊右下左西域諸戎事火拔者皆詣波斯受法婚合不擇尊卑于諸夷中最高為醜穢以六月為歲首出名馬又多駿犬今所謂波斯犬也

澤散 在西海中屬大秦國其理在海中央北至

水行用半年風疾時一月到最與安息城谷相近西南詣大秦不知里數魏時聞焉

驢分 在西海之濱魏時始通屬大秦國渡海飛橋長二百二十里發海道西南行繞海直西行至焉

堅昆 在甘肅安西州西北玉門關外大宛西北康居之西北魏時聞焉勝兵三萬人隨水草畜牧多貂有好馬

呼得 在甘肅肅州西嘉峪關外西北三千七百里蔥嶺之北烏孫西北康居東北勝兵萬餘人隨畜牧出

補遺 卷十一

好馬亦有名貂

丁令 在甘肅肅州西嘉峪關外西北三千七百里葱嶺之北烏孫西康居北勝兵六萬人出名鼠皮此土三國堅昆中央俱去匈奴單于庭安習水七千里南去軍師六國五千里西南至康居界三千里西去康居王理八千里或以爲此丁令即匈奴丁令也而北丁令在烏孫西似其別種也又匈奴北有屈射國隔昆國新黎國明北海之南有自復丁令國非此烏孫之西丁令也烏孫長老言北有丁令有馬腦國其人

聲音似雁鶩從滕已上身頭人也滕已下生毛馬腦馬蹄不騎馬而走疾于馬勇健敢戰魏時聞焉

短人國

在甘肅安西州玉門關外大宛西北康居之西北可萬餘里魏時聞焉男女皆長三尺人衆甚多去奄蔡諸國甚遠國中甚多真珠夜光明月珠見者不知名此國號以意商度突厥本末記亦云突厥窟北馬行一月有短人國長者不逾三尺亦有二尺者頭少毛髮若羊胞之狀突厥呼爲羊胞頭國其旁無別種類相侵俗無盜寇但有大鳥高七八尺恒將短

補遺

人而食之皆持弓矢以爲之備按此亦在西北即魏
畧曰短人國者也

悅盤

在烏孫西北今甘肅安西州燉煌縣西北也乃
北單于之部落昔爲漢車騎將軍竇憲所逐北單于
度金微山西走康居其羸弱不能去者任龜茲北地
方數千里衆二十餘萬涼州人猶謂之單于王魏太
平真君九年朝獻送幻人稱能割人喉脈令斷擊人
頭令骨陷皆出血淋漓或數升或盈斗以草藥納其
口十令嚙咽之須臾血止養瘡一月復常又無痕癢

取死罪囚試之皆驗云中國諸名山皆有此草乃使
人受其術而厚遇之

伏盧尼

在西域波斯國西北理伏盧尼城有大河南
流中有鳥其形似人亦有似橐駝馬者皆有翼常居
水中出水便死後魏通焉

朱俱波

在甘肅肅州西嘉峪關外西北三千七百葱
嶺之北二百里亦名朱居槃國漢子合國今併有漢
西夜蒲犁依附得若四國之地去燉煌二千八百里
在于闐國西千餘里其西至渴槃陁國南至女國三

補遺

卷三

千里北至疎勒九百里其俗崇飾佛法言語與于闐相似其間小異人貌多同華夏亦類疎勒文字同於波羅門王本疎勒國人後魏通焉

渴槃陁

在甘肅肅州西嘉峪關外西北三千七百里

葱嶺中西至護密國其南至懸度山無定界北至疎勒國界西北至判汗國近朱俱波國亦名漢陀亦名渴羅陀後魏通焉王本疎勒人累代居此有戶二千餘衣服言語與于闐相似書與波羅門同咸事佛懸度山在國西四百里與葱嶺迤邐相屬行人由之莫

能分別俗號極疑山今按葱嶺周環其國

粟弋

在甘肅肅州西嘉峪關外西北三千七百里

嶺之西一名粟特一名特拘夢後魏通焉出好馬大禾高丈餘子如胡豆在安息北五千里附唐小國四百餘城太武帝時朝貢魏書西域傳粟特一名溫那沙古之奄蔡國按弋一國也十三州志奄蔡粟特各有長而魏收以爲一國謬也

阿鈞羌

在甘肅安西州西南四千里莎車之西南去

代一萬三千里今山西大同等處國西有懸度山其

補遺

卷五

五

間四百里中往往有棧道下臨不測之淵人行以繩索相持而度有五穀諸果後魏通焉

副貨 去代一萬七千里今直隸宣化易州山西大同朔平等處古代地也東去阿富使且國西至沒誰國中間相去千里南有連山不知名北至奇沙國相去千五百里國王有黃金殿下有金駝七頭各高三尺後魏孝文帝朝貢

疊伏羅 去代三萬一千里今山西大同等處國中有勿悉城北有疆奇水西流有白象後魏通焉

賒彌 在西域波斯之南山居不崇佛法專事諸神不解書算不知陰陽國人剪髮婦女爲團髮亦附嚙嚙東有鉢盧勒國路險緣鐵鎖而度下不見底後魏時遣宋雲等使於彼不達

石國 在甘肅安西州西北玉門關外大宛之北東與北至西突厥界至波臘國界西南至康居界南至率都沙那國界南去鏃汗六百里東南去瓜州六千當長安西北萬四百十里從此至西海已來三月至九月天無雲雨皆以雪水種田居於藥殺水都柘折城

一名赭支一名大宛方千餘里本漢大宛北鄙之地
王姓石名涅國城之東南立國置座于中正月六日
七月十五日以王父母燒餘之骨金甕盛之置床上
巡繞而行散以香花雜果王率臣下設祭焉隋及唐
初皆朝貢顯慶中列其地瞰羯城爲大宛都督府開
元初其蕃王莫賀咄吐屯有功封石國王天寶九年
高仙芝奏其王無蕃臣禮擒王及妻子歸京師斬之
自後西域背怨仙芝所擒王之子西走大食引其兵
至怛羅斯城仙芝軍大爲所敗自是西附大食按杜

環經行記碎葉國從安西西北千餘里勃達嶺嶺南
大唐北界嶺北是突厥騎施南界西南至葱嶺二千
餘里其水嶺南流者盡過中國而歸東海嶺北流者
盡經夷地而入北海又北行數日度雪海其海在山
中春夏常雨雪故曰雪海海中有細道道旁往往有
水孔嵌空萬仞轉墮者莫知數在勃達嶺北行千餘
里至碎葉川其川東頭有熱海茲地寒而不凍故曰
熱海也又有碎葉城天寶七年使王正見薄伐至此
城壁摧毀邑居零落昔交阿公主居止之處今建大

雲寺猶存其川西接石國約長千餘里川中有異姓部落有異姓突厥各有兵馬數萬日尋干戈凡是農人皆環甲冑專相虜掠以為奴婢其川西頭有城名曰怛羅斯石國大鎮即高仙芝軍敗之地又石國之南有瑟匿國其俗不好商賈風俗畧與康國同

吐火羅 在甘肅肅州西嘉峪關外西北三千七百里葱嶺之西數百里在烏澗河南即媯水也其北界大宛之地南去曹國一千七百里東去瓜州六千七百里一名土壑宜後魏時吐呼羅國也其王號葉護勝

兵十萬人皆善戰隋時通焉唐初屬西突厥高宗初獻大鳥高七尺其色元足如駝鼓翅而行日三百里能噉鐵夷俗謂為駝鳥以後朝貢不絕乾元元年與西域九國遣兵助國討逆肅宗令赴朔方行營

俱蘭 在甘肅肅州西嘉峪關外西北三千七百里葱嶺之西與吐火羅接一名俱羅孛國南抵雪山地險窄物產惟出金精唐貞觀中使至

劫國 在甘肅肅州西嘉峪關外西北三千七百里葱嶺中西與南俱與餘彌國界西北至怛怛國去長安

補遺

萬二千里隋時聞焉有戶數萬婚姻同突厥土俗與
嚙噠同人面似山羌無尊卑之禮

陀羅伊羅 在烏茶國北大雪山坡上緣梯登山按七
百梯方得其國隋時聞焉

越底延 在甘肅安西州燉煌縣西南五千四百里南
至婆羅門國二千里西北至賒彌國千餘里理辛頭
河北其王婆羅門種類戶數萬俗清潔氣候暖事佛
書同婆羅門隋時聞焉

大食 在西域波斯國之西或云隋大業中有波斯夷

人渡恒曷水若有神助得刀殺人劫奪商旅其衆漸
盛因招附諸夷有夷人十一來據次第摩首受化爲
王此後衆漸歸附遂割波斯西境自立爲王姓大食
氏名繖密莫末膩又破拂菻及婆羅門城所當無敵
兵衆有四十二萬有國已四十四年矣初王已死次
傳第一摩首今王即是第三唐開元中遣使來朝平
立不拜云本國惟拜天神雖見王亦不拜所司屢詰
貴之其使遂依漢法致拜按賈耽四夷述云隋開皇
中大食族中有孤列種代爲酋長種有二姓一曰盆

補遺

卷廿一

九

尼末換二曰奚深後末換殺其兄伊疾而自立性復殘忍其下怨之有呼羅柵木鹿人竝波悉林舉義兵擒末換殺之遂求得奚深種孫阿蒲羅拔立之自末換已前謂之白衣大食阿蒲羅拔後改爲黑衣大食至德初朝貢代宗立爲元帥亦用其國兵收兩部貞元初與吐蕃爲刺敵蕃兵大半西禦大食故鮮爲邊患其力不足也其境東西萬里與突施相接

乙弗敵

在甘肅蘭州府河州吐谷渾之北國有屈海周迴千餘里衆有萬落風俗與吐谷渾同然不識五

穀惟食魚與蘓子其狀若中國苟杞子西有契翰一

部風俗亦同土特多狼

軻比能

在遼西右北平漁陽塞中今直隸撫寧豐潤

薊州等地也以道遠不知里數本小種鮮卑以勇健斷法平端不貪財物衆推以爲大人部落近塞自袁紹據河北中國人多亡叛歸之教作兵器鎧楯頗學文字遂強盛控弦十萬餘騎餘部大人皆敬憚之然猶未能及檀石槐也至青龍元年比能誘說步度根使叛并州其後幽州刺史王雄遣勇士韓龍刺殺比

補遺

卷五十一

十

能更立其弟素利彌加厥機皆爲大人在遼西右北平漁陽塞外道遠初不爲邊患然其種衆多于比能也其後諸子孫爭立國衆離散諸部大人慕容托跋更盛焉

宇文莫槐

出遼東塞外今

盛京奉天府以東世爲

東部大人後姪孫漠廝立部衆強盛自稱單于塞外諸部咸畏憚之先得玉璽三紐自言爲天所相俗謂天曰字故自號宇文至孫乞得龜爲慕容廆所敗部人逸豆歸殺乞得龜而自立又爲慕容皝所敗皝徙

其部五千餘落于昌黎今隸永平府自是滅散矣後周宇文氏源出于此按晉史謂之鮮卑後魏書云其先匈奴南單于之遠屬又按後周書云出自元帝所滅子孫逃漠北鮮卑奉以爲主今考諸家之說其鮮卑之別部耳

徒河段

出於遼西今

盛京錦州府廣寧縣以西之

地及永平府等處一名日陸眷因亂被賣爲漁陽烏桓大人庫辱官家奴諸大人集會幽州皆持唾壺惟庫辱官獨無乃唾日陸眷口中日陸眷因咽之西向

補遺

卷十一

十一

拜曰願使王君之智慧祿相盡移入我腹中其後漁陽大饑庫辱官以日陸眷爲健使將人衆詣遼西逐食詔誘亡叛遂至強盛日陸眷死後至姪務勿塵據有遼西之地而臣于晉封遼西公假大單于印綬統三萬餘家控弦四五萬騎至其弟護遼爲王爲慕容皝所殺弟鬱爾奔石季龍以所從五千人配之使屯令支今盧龍縣及冉閔之亂其子段龕率衆南移遂據齊地慕容儁使弟恪伐龕於廣固今青州府昌樂縣坑其徒三千餘人國遂滅按今錦州府錦縣寧遠

州俱漢之徒河縣地

慕容氏

在遼東今盛京奉天府亦東胡之後別部

鮮卑也晉史云有熊氏之苗裔因山爲號魏初渠帥有莫護跋率諸部入居遼西今錦州府廣寧縣以西後從司馬宣王討公孫淵有功拜率義王始建國于棘城之北時燕代多冠步搖冠護跋見而好之乃斂髮襲冠諸部因呼之爲步搖其後音訛遂爲慕容焉或云慕容二儀之德繼三光之容遂以慕容爲氏至孫涉歸魏封爲鮮卑單于遷居遼東于是漸慕華夏之

風矣涉歸有子二長曰吐谷渾西遷湟河之間今河州次曰塊有命世才畧始遷於徒河之青山以大棘城即帝顓頊之墟乃移居之今永平府撫寧自稱鮮卑大單于晉亂招撫華夷而奉晉室以禮不闕至虢嗣雄殺多權畧日以強盛遂自稱燕王儁暉即其子孫也

高車

在山西大同府之北古赤狄之種也初號為狄歷北方以為勅勒即鐵勒諸夏以為高車丁零焉或云其先匈奴之甥也其種有狄氏袁紇氏斛健氏斛

批氏護骨氏異氏奇斤氏其俗云匈奴單于生二女姿容甚美單于曰此女安可配人將以與天乃於國北無人之地築高臺置二女於其上曰請天自迎之乃有一老狼晝夜守臺嗥呼因穿臺下為穴經時不去其小女曰吾父以我與天而今狼來或是神物將下就之其姊大驚曰此是畜無乃辱父母妹不從乃下為狼妻而產子後遂滋繁成國故其人好引聲長歌有似狼嗥本無都統大師黨種各有君長後徙於鹿渾海西北百餘里部落強大常與蠕蠕為敵亦每

侵盜於魏道武帝襲破其雜種三十餘部至太武又降其衆數十萬皆徙置漠南千里之地高車之族又有十二姓爲蠕蠕所役屬靜帝時越居子去賓自蠕蠕奔後魏封爲高車王拜肆州刺史今山西忻州死於鄴今河南彰德至隋有突厥失國即後魏之高車國也

稽胡

在離石以西今山西汾州府永寧州安定以東今甘肅涇州鎮原縣及固原州等處一曰步落稽蓋晉時匈奴別種劉元海五部之苗裔也或云山戎赤

狄之後地方七八百里居山谷間種落繁熾雖分統郡縣列於編戶然輕其徭賦有異齊人山谷阻深者未盡役屬而克悍恃險數爲寇亂後魏明帝時有劉蠡升者居雲陽谷自稱天子立年號署百官後爲齊神武所滅後周明帝時延州稽胡郝阿保郝狼皮率其種人附于齊氏周武帝敗齊師於晉州乘勝逐北齊人所棄甲仗未暇收歛稽胡乘間竊出並盜而有之乃立蠡升孫沒鐸爲主號聖武皇帝後齊王憲討破之自是寇盜頗息矣

補遺

卷二十一

十四

薛延陀 在山西大同府西北大磧之外金山西南鐵勒之別種前燕慕容儁時匈奴單于賀刺頭率部三萬五千來降延陀蓋其後也與薛部雜居因號薛延陀可汗姓壹利吐氏世爲強族初蠕蠕之滅也並屬于突厥而部落中分在鬱督軍山者東屬於始畢在貪汗山者西屬于葉護其主夷男唐貞觀中朝聘封爲毗伽可汗居大漠之北俱淪水南去長安萬四千里後鐵勒僕骨同羅共擊薛延陀大破之平多彌可汗以太宗征高麗遂寇夏州執失思力擊敗之多

彌輕騎遁走部內騷然聞太宗發兵入其界與數十騎投阿史那尋爲回紇所殺宗族殆盡衆尙五萬立咄摩支爲首帥遣使請居鬱督軍山之北使崔敦禮李勣就安撫之咄摩支惶駭潛謀拒戰因縱兵滅之延陀以貞觀初建牙於磧北歷三主凡二十二年

歌邏祿 在山西大同府西北大磧之外金山之西本突厥之族也與車鼻部落相接薛延陀破滅之車鼻人衆漸大歌邏祿率其下歸之及高俤之經畧車鼻也歌邏祿相繼來降仍發兵征之及車鼻破滅歌邏

祿莫刺婆娑踏實力三部落並詣闕朝貢

僕骨

在山西大同府西北大磧之外洛河北鐵勒之別部習俗與突厥畧同在多濫東境勝兵萬餘與同羅宿敦鄰好最居北偏先臣於頡利苦頡利政亂後附薛延陀唐貞觀中朝貢及延陀之滅也其人肖婆匄俟利發歌藍伏延詣闕內附

同羅

在山西大同府西北大磧之外洛河之北去長安萬七千五百里戶萬五千鐵勒之別部也初臣突厥苦頡利政亂唐太宗時其酋俟利發時健咄內附

中間無聞泊天寶初其酋帥阿布思以萬餘帳來降處之朔方河南之地給其廩食至十年背叛劫畧諸姓部落渡河還漠北尋爲回紇所破黨衆離散阿布思後奔葛羅祿節度程千里購之以獻戮於京師

都波

在山西大同府西北大磧之北南去回紇十三日行鐵勒之別種也分爲三部自相統攝結草爲廬無牛羊不知稼穡取百合草根以爲糧兼捕魚射獵爲食莫知四時之候向未通中國聞骨利幹來通唐貞觀中遣使朝貢

拔野古 在山西大同府西北大磧之外洛河之北亦
鐵勒之別部也在僕骨東境勝兵萬餘口六萬人其
地豐草人皆殷富其酋俟利發屈利失唐貞觀中舉
部來降其地東西千餘里曰康干河投松木入水二
年化爲石其色青有國人居住其人謂之康干石人
皆能著木脚冰上逐鹿以耕種射獵爲業多好馬
多濫葛 在山西大同府西北大磧之北金山之西南
延陀東界居近同羅水勝兵萬人自古未通中國唐
貞觀中其大酋俟斤多濫葛共率所部朝見

斛薛 在山西大同府西北大磧之北金山西南多濫
葛北境鐵勒之別部也兩姓合居勝兵七千

阿跌 在山西大同府西北大磧之北金山西南亦鐵
勒之別部也在多濫葛西北勝兵千七百隋代號訶
啞部是也遷徙無常所

契苾羽 在山西大同府西北大磧之北金山西南多
濫葛之南境也兩姓合兵二千

鞠國 在山西大同府西北大磧外洛河之北拔野古
東北五十日行其國有樹無草但有地苔無羊馬家

畜鹿牽車可勝四人衣鹿皮食地苔聚木爲屋尊卑
共居其中

榆枿 在山西大同府西北大磧外鞠國之東十五日
行其土地寬大百姓衆多風俗與拔野古同少牛馬
多貂鼠骨咄也

大漠 在山西大同府西北大磧外洛河北鞠國之東
多羊馬人極長大長者至丈三四尺聞其國北有骨
師國與大漠接戶萬五千勝兵三萬自鞠國以下並
是唐貞觀三年朝貢使至

白霽 在山西大同府西北大磧外洛河北拔野古之
東與靺鞨爲隣勝兵萬人並臣於頡利習俗與突厥
同唐貞觀中朝貢列其地爲寘顏州顯慶五年以酋
長李舍殊爲居延都督自後無聞焉

庫莫奚 在營州東北二千餘里今盛京奉天府其
先東部鮮卑宇文之別種也初爲慕容廆所破遺落
者窟匿松漠之間在柳城郡之北其俗甚不潔而善
射獵好爲寇掠及突厥興而臣屬之後稍強盛分爲
五部一辱紇王二莫賀弗三契箇四木崑五室得理

饒樂水北即鮮卑故地每部置俟斤一人爲其帥隨逐水草其後欵附至隋號曰奚自突厥稱蕃之後亦遣使入朝唐時朝貢不絕至德後其蕃多擅封壤朝廷優容之彼務自完俟斤益謹不生邊事故二蕃少爲寇二蕃者奚與契丹也

地豆于 盛京奉天府北千餘里室韋之西千餘里多牛羊出名馬皮爲衣服無五穀惟食肉酪魏時朝貢烏落侯 盛京奉天府西北四千餘里地豆于之北魏太武時來朝稱其國西北有魏先帝舊墟石室南北

九十步東西四十步高七十尺室有神靈人多祈請遣李敞祭告焉刊祝文於石室之壁而還唐貞觀中朝貢云烏羅渾國亦謂之烏護乃言訛也東與靺鞨南與契丹西與烏丸爲隣其國西北二十日行有干巴尼水即謂之北海是也

驅度寐 盛京奉天府北三千餘里室韋之北隋時聞焉其人甚長而衣短不束髮皆裹頭居土窟中惟有猪更無別畜人輕捷一跳三丈餘又能立浮卧浮履水沒腰與陸走不別數乘大船至北室韋抄掠

霽 盛京奉天府北與靺鞨為隣理黃水北亦鮮卑故

地匈奴之別種也勝兵萬餘人亦臣于頡利其渠帥號為俟斤貞觀中內附

拔悉彌

在北庭北海南結骨東南依山散居去燉煌

九千餘里一名契利國隋時聞焉有渠帥無王號戶二千餘其人雄健皆能射獵國多雪恒以木為馬車上逐鹿得鹿將家室就而食之更移處其所居即以桦皮為舍

流鬼

在北海之北至夜叉國餘三面皆抵大海南去

莫設靺鞨船行十五日去長安一萬五千餘里無城郭依海島散居人皆皮服地氣沍寒早霜雪不識四時節序靺鞨有乘海至其國貨易陳國家之盛于是其君長孟犇遣其子可也余志唐貞觀十四年三譯而來朝貢初至靺鞨不解乘馬上即顛墜國長老又傳言其國北一月行有夜叉人皆豕牙翹出噉人莫有涉其界未嘗通中國

黠戛斯

西北荒之國也本名結骨一名居勿又謂之

堅昆史記謂之堅昆漢書謂之高昆在回紇西北四

補遺

卷三

二十

十日程一本云三千里其人身悉長大赤髮綠睛有髮黑者謂之不祥蓋嘉思撰西域記云髮黑黑睛者李陵之後也故其自稱是都尉苗裔唐貞觀中朝貢以後不絕先是回鶻背恩侵掠諸部擅入靈州今隸甘肅寧夏府上命河東兵大破回鶻于殺胡山可汗踰山遁走黠戛斯乘其破亡遂有其國二月來朝武德中求冊命會昌中秘書少監呂述書黠戛斯朝貢圖並宰相李德裕撰序甚詳其事其國東去單于庭七千里南去車師五千里也

骨利幹

居回紇北方在山西大同府西北大磧外瀚

海之北二俟斤同居勝兵四千五百人其北又距大海晝長夜短日沒後天色正曛煮一羊脾熟而東方已曙蓋近日出沒之所也唐貞觀中來朝獻良馬十匹日行數百里太宗爲之制名號爲十驥爲文以敘駁馬

在結骨之北其地近北海去長安萬四千里經突厥大部落五所乃至焉勝兵三萬人馬三十萬匹色並駁故名云其馬不乘但取其乳酪充食而已其國以俟斤統領土境東西一月行南北五十日行去

鬼國六十日行唐永徽中朝貢突厥謂駁馬爲曷刺亦名曷刺國也

鬼國

在駁馬國西六十日行其國夜行晝隱眼耳鼻與中國人同口在頂上土無米粟噉鹿豕及蛇駁馬國南三十日行至突騎施二十日行至鹽莫念咄六闕俟斤部落又北八日行至可史檐部落其駁馬鹽莫並無牛羊雜畜唐永徽中並遣使朝貢

